

皇朝經世文統編



不一法國之事向不同法之精粗自別倘不洞明幽遠祇圖變法使欲凌六合而駕五洲入何異貧人暴富謂其富者以某業起家即而效之能勿令他人齒冷耶中國一敗之後西方諸國會云秦東無人當臨渴掘井之時彼行炫玉求售之計言言皆為中國其定者看均欲圖財使不審慎加詳卒至虛言無補所尤惡者硬以諸葛大名加中朝口口英則比之哥靈頓德則比之卑斯麥多方贊頌使朝廷深信與以大權窺厥隱衷定緣口口素能消受壞砲舊鎗之故所購外洋軍火勢不能不假手他人而受重託者非設乎心腹即故吏門生自計侵漁口口又不得不為掩飾養癰成患已匪一朝以故一旦與日人從事于戈便有彈不台鎗鎗非素習之弊軍寔如此戰可言哉是故同一利器也德有脫來斯鎗毛瑟鎗法有沙士鉢鎗英有亨利馬梯尼鎗美有哈之開司鎗林明敦鎗秘浦馬地尼鎗俄有卑爾達奴鎗而近者英之黎姆斯鎗為尤精砲自克虜伯砲嘉立砲外近有毒烟開花砲空氣黃藥大砲名目既繁採擇自非易易經辦委員非武備學堂出身者不解製造于堅輕遠準速五字未諳分毫或以舊槍改充毛瑟貪其價廉寔不可用其祇圖中飽者又無論矣夫中東一役歲貢子自南方東歸初以三月為期詎知戰事一開加以疫癘流行隻輪不能飛渡遂致徬徨省港欲涉無梁惟有寄寓穗垣外名利棧中日聞中外報章藉知時局同寓有某員者自言曾任公署某府知府予與晤談日久始吐萍踪據言此次係奉某大憲命往香港等處督購洋鎗予觀其人面團團如富家翁嬾分八字隨從頗多而尤能揮霍不吝一經投契彼即扯往同醉于珠江花舫中張筵宴客客多宦海中人此際戰事方殷聽右輩所談則又或云某茶樓點心好某菜館廚子佳某校書善唱燒衣某詞史新遭梳櫛潏潏汨汨各逞見聞要皆不外飲食交游徵逐絕無一言及若國重事者予時已心鄙之翌夕某員酒酣忽附耳欣然告我曰僕事諸矣現在港地購得暹羅鎗甚多每桿原價不過二兩八錢可以浮開至十二兩此差大獲厚利與吾兄顛倒于紅裙翠袖中不患無買花之費矣予漫應之始知其意固在此不在彼此甲午仲秋廿八夕事也翌夜又訂飲于秀菊花舫予憤其營私誤國不復赴宴而珠江諸舫即以是夕大火燒斃人命與焚毀樓船無異某員雖幸以身免狼狽歸來而已失去漢玉鼻烟壺茶晶眼鏡及金時表等物所值不下千元予亦以誤交小人幾罹不測險哉國家如此用人烏能不一敗塗地耶予以為財薪膏胆之日固宜力圖振作擢忠良而去奸邪然而取法有未精斯百變仍歸烏有取畧陳管見以備芻蕘以為陸軍之制莫如師德蓋德自嘉慶十九年定民兵之制凡民年二十即充額兵之例三年歸農自二十三至三十二為預備戰兵自三十三至五十為預備守兵有事之秋可集練兵三百萬以此民無不兵兵無不學自一千八百七十一年卑相以機謀勝法以來兵日精將日健二十年

磨礪以須國政交乎故法雖日復強盛仍未敢遽報前仇蓋德人居民上下惟一心時漂冰澗無懈可擊是故陸軍之信
歐西之國多宗焉況中國既已聘德員為軍營教習則當十營一律教習一缺斷不可雜以他人蓋號令一則士扠扶彼
亦竭力提撕同收指臂之助矣火鎗亦甚嘗攷歐洲各國軍火英德為精而德尤精美全備且儲藏極多試觀俄國之旌
雖極力仿效尚難步武俄國諸廠晝夜辛勤以德國新製為先路之導是宜先將西隊防守各兵易五响小口快槍寬兩
年期全軍俱易以俄尺寸厚木板五十塊離二百步以外轟之立穿綫槍彈尖頭易銘為鋼故尤銳其遠界可越五十五
里然不中敵要害不死雖兵列數排尚可洞穿勢力之猛可見況其製作日新而月盛務臻絕頂耶是宜步俄師德之法
我華軍一律用此德鎗俾鎗與彈符斯兵與鎗習且往來調遣亦可無齟齬之虞何便如之水師艦隊則師英國水師之
雄甲午五洲固已盡人可喻然其所以能甲五洲之故則猶有說焉夫英之本國區區數島而西方屬土共有英程九十
萬方里五十年來得地之盛孰與比倫故其水師能以寡擊眾能以大馭小隻輪一到即掃蕩無餘巨艦一臨即群攻不
下蓋力專則發皆中節體固則小醜難侵近又查知中東之戰中國巨艦每為日小快船所攢擊且船面物太多木器
一遇火燃立成灰燼近又改制炮船不尚巨而尚輕船面諸物改用銅鐵片包裹統計大小戰艦八百艘能載水師十二
萬兵費每年六十四兆磅不惜重貲故能稱雄海上莫敢誰何且于海戰一途獨有心得者則因英國所占繁盛之區多
屬海中島嶼非戰艦不能佔亦非戰艦不能守佔之不易守之亦不易為此銳意經營遂成絕詣人材亦因是而輩出謂
非精金百鍊始能無敵于寰中耶維製砲與築台亦然攷著名軍械廠二其一在烏治理其一在拋此毛吳司商家軍械
廠二其一在紐堪塞爾名曰阿樣十莊其一在滿痕切司脫名曰特活德二廠均以鎗炮為大宗又在裴明罕姆者名滿
立則專造砲彈是宜分遣聰俊子弟分廠學習以收全效至于英國著名砲台在泰晤士江者則以烏理活體而勃為最
在瀕海者曰都發曰拋此毛吳司曰司王舍特曰街司拋特曰侍閣拋脫潑來毛吳司曰奔不羅喀曰密爾妨特曰立佛
普而諸台均稱鞏固蓋其築台不用三合土專用泥土築成可任敵砲攻擊至地中海為歐西門戶英之所以獨占形勝
者在能上得毛爾塔及支伯勞登兩島支島長八十英里闊五十英里三面居海惟連北連西班牙康熙間得之西班牙
屢敗之後既和歸侵地而此島不與焉山勢環抱天生雄堞水師停泊可避風雨三面多築砲台山麓鑿成地道置守兵
不過數千西班牙與法合兵來攻皆大敗去則砲台之堅固詎有倫哉至于電光化諸學則富師美國美人心思才力均
勝他國一籌凡有一事一物為英俄德法諸國所未造其極者一經美國格致家再四思維便可通其究竟故彼都人士

屢設大會百官俱陳莫不仰候定評同聲佩服至于比國之礦學法人之藝學皆能各有專師因其長而用之變法之道不外是矣譬之論文當無異致焉

變近時經畧議

時無不變哉勢無不變哉環球列國上下千年其宮宇械皿冠裳飲食禮樂庠序宦達萬爵其餘一切庶務搜提然漢漢然如毛變稼穡飲血變酒醴穴居變宮室土鼓變鼗鼙洪水變平壤世卿變科舉舟楫變輪舶車駕變鐵路才庸變鎗彈馳驛變電綫開闢變互市尊親變民主墨囊秋秩更歷千歲若一軌轍古人可作世運使然若伊尹之任啟放君之例周公之聖作攝篆之刑文帝之賢為捐刑之制山河再冉千載悠悠而後世或議禹勢之不得不然者也不竊惟是天有天變地有地變人有人變風雨雷電日月寒暑天之變也山崩野震崖陷水漲地之變也幼壯長耄疾病死涸人之變也惟國亦然治亂強弱之蹟興亡勝敗之應瞥見千里或千百年變或數十年變沿其變而變之弱以強亂以治亡以興敗以勝易日窮則變變則通通則久此之謂也震旦之人言變者屢矣搜集西法若鐵路若郵政若同文館若方言館皆仿而印之踵而繕之而四海之內效績紀絕叢脞百出徒疲國家之幣帛飽胥吏之橐囊貽異服之訛笑是殆時勢之不可變而西制之不可行歟非也不鹽不腦不燭其理捕採響影綴拾糟粕故坐視為鯨鯢所吞食繆綆所繫繫也然則奈何余聞之五洲變法之道烟海浩渺指不盡屈握而論之有三大領焉曰變之理曰變之法曰變之人變之之理奈何羣虎耽視棟樑摧折庫廩罄懸人材新絕帑地割債寇盜淫道凍餓者嗷嗷蝗鴻散野此變之之理也變之之法奈何議院學堂鐵路輪舟報邸商會電綫氣機局司彈炮他若關地苗繹西籍派游歷護商賈變科舉宏仕途南械藝辦郵政麟踵以行相須而成缺一不可此變之之法也變之之人奈何才智卓達胆斗心髮鉢破網羅虎豹猛迅諸五洲之情通萬國之故上下形勢四方土地備羅胸臆斧鉞刀鋸岸然不顧此變之之人也三者俱備登高一呼萬谷響應振網一舉千百綱具列以此消壘何壘不消也以此富國何國不富也以此御眾何眾不御也以此制藝何藝不工也夫何亂弱亡敗之患若不揣其理則不必變不得其法則不可變不復其人則不能變不必變不可變不能變雖百變千變萬變殆猶不變且變尤于不變何也善變者如室然人知棟樑瓦壁戶牖室構塵奉榛棘錯迥類差不可朝夕與處也于是庀材鳩工廊清而金碧之鞏固而軒壯之巍然登然堂然星然雖風雨雷露雷雷電擁衣軒睡高枕無憂也是故盤庚下遷都之誓言高祖約父老之三章而殿室以寧漢鼎以盛三王異曲而治五霸殊策而強舜禹以垂拱撫寰區湯武以戈甲定中夏大王

小霸先聖後賢其授一也山可移哉天可補哉亡羊補牢顧未晚哉漳百川而東之鴻榛無而夷之龐哉億萬國衣冠肅拜冕旒哉而山河城會掌握彈丸哉是在夫人苟卿子有言凡事利多害少則為之況今滄海橫流城闕塵生利者不一視而害者並起蝗擁哉歐洲諸國奮拔此立或以時變或以勢變或假人變不一而是其間昧然不變者印度則為英藩也波蘭則為俄墟也琉球則為倭隸也馬達加斯加則為德奴也俯仰上下放懷中外盛衰強弱之故興亡勝敗之原毫釐之差千里之謬其可懼可哀也如此嗟夫三入之行何舍何擇王公碩子必有熟計而處之矣

歐西倡著

爭一時之天下曰強治萬世之天下曰綱常富強英雄霸道也國之形勢也綱常聖賢王道也國之本原也今之持議者匿中國之所長專論中國之所短匿外國之所短而專論外國之所長噫嘻其亦慎矣議者又曰英國地多而勢散法國政煩而民困俄國土曠而人稀而吾以為歐西所應不在此議者又曰英人持刃捍奉遇事不敢輕試雖曰船堅炮利寬多舊式且久未達敵臨陣外強中乾是所深慮法國每易一總統黨議紛起邪正雜進新聞越南及各省未見實利仍每年耗費本國兵餉俄國君權特重國民所沾利益不及鄰國民心常滿前所得波蘭之地及割瑞典蘭芬之地並所定圖爾齊斯坦諸部壞博人眾未能心服常患乘俄有事逐風塵而思逞國內屢有弑君之禍非其君是惡也黨人之仇也然吾以為歐西之所慮又不在此泰西之政近百年間上下一心講求盡善清明整肅儼然與官禮成法三古通規暗相符合而中外今日之互相歧異各有短長者其故有在審平情攷之中國求之理西國求之數中國形而上西人形而下中國觀以文西人觀以象中國明其體西人明其用中國泥于精西人泥于粗中國失之約西人失之博一本一末相背而馳數十年來彼此互相抵制互相排擠而永不能融會貫通合同而化也然吾以為歐西之所慮仍不在此嘗謂西人無物理之書惟萬國公法一編所言合天理人情之旨然觀其士人所研究者則有算學化學電學光學聲學天學地學及一切格致之學而于愛親敬君之大經概未講也工人所專精者則有攻金攻木攻石攻皮攻骨角攻毛羽及一切設色掉埴之藝而于脩身齊家之儀節概未及也即強盛于一時霸功也非可持久也漢陸賈云乃公以馬上得之可以馬上治之乎孟子曰由今之道無變今之俗雖與之天下不能一朝居也賈生云仁義不施而攻守之勢異也強秦可以併六國六國亦起而亡秦殷鑒不遠何不可即古鏡今耶夫君為臣綱古有明訓西人倡自主之說置君如奕棋偶有變動不肖者人思自取由君王而民主焉雖者起在在生心若巴西諸國彼此相攻大亂方滋隱憂未艾居君位者時時有流

竄之憂此宜正君臣之倫始足以致太平者也堯典曰以親九族九族既睦中國敎定尊祖永保雲仍西人父子兄弟之間不相收卹故賢選各準者數傳之後不自知其誰氏之子孫未及百年已多混雜此宜正父子兄弟之倫始足以存種族者也孟子曰不孝有三無後為大乾坤定正夫為妻綱西人重女輕男貧者不能婚娶兼畏室家之累絕不以無後為懷刻雖生齒繁盛日久終將衰歇此宜正夫婦之倫始足以廣嗣續者也由後兩說其事尚遠而改變民生之說一倡百和流弊已深詎非眉睫之禍耶中國以帝王秉政自黃帝肇其基以師儒立教自孔子集大成黃帝開二千餘年至孔子孔子開二千餘年至今日群言淆亂急待折衷必將有聖人馬合黃帝孔子為一人政教同源君師合德合九萬里五大洲大啟文明以成同軌同文同倫之治巍巍翼翼炳炳麟麟見古今中外大一統之閭規其為期當亦不遠也而中國其能以富強師西人也而西人其能以綱常師中國也此則借箸者欣慰而熟籌者也

論自強不強事

嗚呼中國之積弱久矣自道光中葉以來中原多故海氛日棘旋圍之變 鑒典狩于熱河恭邸奉命留京商訂和約遂定吾通商之局西兵斂鋒而退諉者乃疑西人志非遠大特為通商傳教計耳豈知百足之虫死而不僵千丈之木必先焚其枝葉事固有由漸而入者欲速則不達也而不見夫法取越南並夷緬甸俄則東侵蒙古西割新疆日本以蕞爾之國滅琉球工督高麗藩屬之邦蠶食已盡譬諸螳螂螳螂八足殘折無餘其所存者僅一臂壳矣然猶不得謂為金甌無缺也澳門出租香港奉贈金門島之有挾而求尚得曰壤地無多彈丸黑子何闊輕重至若臺灣非巡撫駐師之省會乎澎湖非總兵官鎮守之要隘乎乃睹其一勝之功舉 祖宗百戰而得之土地割而畀之輕如敝屣悲夫城下之盟春秋所恥割地賂秦六國覆轍當國宰相皆讀書稽古之人胡為甘心典退而一至于此哉則不能自強之弊也今者天誘宸衷特降變法自強之諭由軍機大臣手寄各省將軍督撫限期分晰覆奏黃澂蘭大銀臺諸公或備員卿貳或供職詞垣與夫烏台諫院之英大魁天下之彥乃相與仰承 德意發明強學之旨先于京師開其端繼于上海設其局章程十四條皆切實而可行南皮尚書復助之以鉅金迅聽風聲者方延頸企踵樂觀厥成何圖刊印報章僅及三紙遽奉嚴旨封閉豈自強之學不當講求哉抑創不鉅而痛不深耶真急索解人而不得也古者太師陳詩輶人採風上下之情無所不通自厲王立監諂之官始害厥偶語之禁民間疾苦壟于上聞通商以後西報風行非繙譯不能暗解于是上海字林洋行首創華字報章申報滬報新聞報接踵而起延請華人之能文者執筆紀載上自 中朝大政廷臣謠言下及

聞巷所聞工商數事靡不據事實書昌言無忌幾于人盡董狐而家宣閉無一時有洛陽紙貴之風達官貴人豪滿巨賈之鴻檢踰閑者街之刺骨每思以勢力相壓不知西國律例待報館最貴有聞必錄毫無容隱絕少為尊者諱為親者諱之習嘗見官場公牘移查報館文件西官輒以無權辦理謝之天津廣東亦有開設報館者刊行未久先後均被地方官封禁則以館主之為華人也自強書局報紙之不准開印得勿類是是則會中列名諸鉅公不亦黯然無色矣乎九重深遠度必有意見不合者封章入告孤埋而孤堰之誠不能為原辦諸鉅公曲諒也即謂漏洩廷寄及用孔子卒後紀年有不合之處改之可也遽行停止無乃太過且在上海辦事者非會中諸公所派乎以此推之咎有攸歸矣南皮尚書文章經濟海內宗仰晉撫任內最獲時譽總制粵湖力求振作迂於者往往望議及之其是則規模之廣綜核之勤深明時務之要自益陽中丞合肥相國外未有能與之齊驅並駕者也兩江閩府適在東事告急之秋和議甫成之際凡所施措悉以變法自強為宗如築馬路開礦設自來水管諸要政有急于求效之心不免操之過嚴宦海中乃有盼望峴帥復任者今又上創立自強軍之奏然以自強會比例參觀吾滋懼矣自自強會即令有成不過託之空言況並空言而禁之則積弱果何日返哉

讀湘報

湘中向不與外人通讀書積古之儒幾致耻聞洋務西人所謂守舊之黨冀湘人若也自我吳江建霞太史銜命視學一以闡發新學為心而澣蘭沅芷之鄉無不知研末時事為當務之急其在思深慮遠者謂欲知時事先宜披覽報章報章有清夜之鐘聲暗室之燈火也于是麟金賢延文士創為湘報行誦自中吳中憤士讀而善之著為論說郵寄其友半田居士居士乃綴以引言為之刊于報端曰自輪船交通環球四達政治學術日異月新嗟我中國瞠乎在後親聞孔而心老楊口唐虞子而腹政莽更相詆牾更相傾軋更相推諉更相殘賊怒于室而色于市朝賦四而暮賦三傷巨痛深曾不自覺曹惠敏作先睡後醒論而西人嗤之以為軒聲徹旦也爰及甲午大創于日朝廷有卧薪嘗膽之心士夫有枕戈待旦之志然而朝旨嚴切充耳而不聞草茅哀籲瞠目而不答任再歲月浸以五年試問學校之興辦者幾何武備之整飭者幾何通商惠工之收回利權者幾何凡所以慰宵旰之憂而塞士民之望者幾何哀哀諸公其何以解也鄙人伏處鄉里時與二三同志言天下事歌哭不知其由以為吾中國之民其遂浪莽淪胥終古不見天日耶乃諸湘報而不禁驚喜欲狂破涕為笑也湘中自曹羅諸公以道義倡天下剖平寇亂為吾華望流風餘韻漸被後人且得江太史陳中

丞黃廉訪為之官而紳若士如能君希齡譚君嗣同唐君才常等皆德通情踴躍風發全省書院盡廢八股全官局皆成團練學堂學會一呼百應商政礦政一倡百和謀吏有館則官智矣南學有會則士知矣其間若憲署批詞學會講義靡不登諸報章昭示吐廢吾求之于古則管夷吾之內政軍令諸葛武侯之開誠心布公道求之于今則西人之議院巡捕房政治學院勸工場博覽會靡不有焉西報以日本為東方之英人今湖南殆吾華之日本矣夫湘人吾華之深開固拒最甚者也一朝不變咸與維新則吾向所慮浪莽淪胥終古不見天日者乃得于深閉固拒之慮而先見之矣嗟我吳人地近商埠書院改革之議屢上而未舉中國學堂之立有題而無文新學乍萌則設詞以擠之新機甫闢則竭力以撓之一切公局公費之款消沮聞風而恐人知利大吏之不我盤查而恐發其覆也嗟我吳人如得林文忠為之官焉校邠為之紳詎至是耶而其尤頑鈍無恥者則以為地近上海可資彼族保護不知彼族之人何愛于我其亦知波蘭之民迫逐瀕死緬甸之大臣妻妾拍賣于市中耶大學遽遷振金鼓于其耳旁而曾不悟也方今事勢已急急起直追猶恐不及而猶偃偃優雅步觀望遲延上負 君國下負身家吾儕小民固不足惜獨不為身後地獨不為子孫地耶此吾所為讀相報而始以笑者又繼以涕也

論中國法弊宜漸不真急

處今日中國之勢莫不知積弊誤之矣積弊之所以誤必由于成法之未善若是乎變法為急不可緩矣雖然亦宜易言哉人嘗言亟解紛者益其紛縱理御者固其御遏河之奔者必恣其奔息人之怒者必飽其怒去天下之弊亦若是而已矣必也潛移默化則悠然日趨于平安而不自知若倉然擊而去之以求稱快乎吾意則其害愈大橫流潰決必有不可收拾之勢矣然此特一時之弊耳至于積弊之所在其來也非一日其成也非一世源深流長有不可以旦夕過者是又烏可以不慮其萬全而操切責其功效耶蓋觀于古夫周自平王東遷王室既卑矣而桓王憤諸侯之不朝一日連三國之師以伐鄭卒自取中肩之辱益成諸侯之強魯之政在于三家久矣昭公不能去之以漸逞一朝之忿而求室其私欲禍亦卒以自及故易屯之九五曰屯其膏小貞吉大貞凶九五以君位之尊處屯艱之世威權不行膏澤不下故曰屯其膏漸止之則吉驟止之則凶且漢時七國之治非可以遽裁削之也而晁錯設謀墾下削地之詔遂激其反因之自殺其身唐藩鎮之患非可以遽翦鋤之也而德宗不能為歲月之遠謀銳意遣將致討遂起涇原之亂故易需之九五曰需于酒食自吉乾上坎下是乾之剛健遇險而未能進故需須也今九五居至尊之位而息于艱故曰需于酒食豈樂雍容

之象也。言人君處險艱之際，其具寬以待之，不當以驚疑自沮也。玩易象而聖人之垂戒深矣。故夫人君將去天下之積弊，要當以古之事為鑒，而以易之辭為戒。唐文宗當積弊之後，每朝群臣則泣下，泣者魂飛魄索，此無益之舉也。明莊烈帝當積弊之後，節衣縮食，孜孜求治，今日召貴閭臣明日建問，督師舉措紛更，終罹聞賊之禍，此無益而又害之也。蓋弊之所積甚有與國家相維繫焉，弊不去則國在猶可以延，弊去而國脉亦因之俱傷。非凡弊皆不可以輕去也。去夫積弊則究非旦夕之功耳。今夫變法即所以去積弊也，積弊不可不去，是法亦不可不變。而或曰：子貢欲去告朔之餼羊，孔子以為不可。齊宣王欲毀明堂，孟子以為不可。夫具餼羊而不存禮則不如無餼羊，有明堂而不為政則不如無明堂。而古聖痿憊于此，力言其不可，豈不以先王之制度未便廢置耶？今我中國自有成法，即不宜于今而亦宜于古，何必變何用變？仍舊貫如之何？此誠迂闊之談。彼不知立法久則弊生，法不變則弊愈積。今中國內有蔽外有侮，因陋就簡，日就闕弱。嗣今以往，惟有變法度可以挽回富強之機，且法亦何嘗之有變哉？誠不可以因循而懈怠矣。惟是變法必當去弊而目下之弊實相仍而無窮，末易以悉數也。約而言之，是在探其害之所由興而窮其病之所由起。斯革一害則百害隨之而除，治一病則百病隨之而愈。庶幾乎半日所積者為之廓然一清，若不沿其源不尋其根，既欲去此又欲革彼，既欲治其一又欲治其二，用力愈勞而所積者終不可得而去。此變法之得失不可不知也。夫然則必因時制宜，從容不迫，循序而進，以次推及其法，可以急變者則速變之，其法不可以急變者則不妨稍為緩之。如是而後出乎萬全，不然有不召意外之虞貽事後之悔者，幾希而安可以操切圖之耶？且古有善變法者矣，衛鞅入秦盡變秦法，秦暴興而鞅以誅死。夫其所變之法固大有造于秦也，乃至亡匿客舍不能自免，向使緩急相宜，何足以致此？故今日中國所謂成法者，斷非不可變也。第既誤于積弊，自當徐徐整頓，獨不可以操切焉爾。

書派員就學近聞後

高麗之不願通商也，蓋自安弱小而尊中國之意，其不得已而始通商也。又心懼強鄰而為保全之謀，緣高麗立國最久，僻處中國之東，有府海官山之富，其境內苟得長治久安，即無須馳騁于域外，以故商周以來從無窺伺中原之舉。若隋之喪師，乃煬帝自致之，而非高麗之入寇也。唐宋數百年相安無事，雖五季之亂，金遼之變，亦無伺隙思逞之事。迨前明收遼東之地，東與接壤，又因倭寇之故，營繕海防，于是優加撫字，俾作屏藩，而高人更堅執誓約不侵不叛。其後我太宗文皇帝兩次用兵，乃因明社未屋，明交未絕之故，亦非不肯歸化也。然江華島構遣以後，即能知順逆興亡之數與。

太平立約世情實職無詐無虞並不與福桂小腴通一尺書以陰助其力蓋其所以臣服者中國也有德以懷之有威以鎮之即歸而不貳若始終為明而決意抗 本朝之命可以為前明之私人而不得為中國之外藩也故在中國邊境小邦之列惟高麗為能忠于中國也無如東瀛尚有鄰國自與泰西通商日益強橫苟不帖然聽命難免遠交近攻之謀于是而知成見之不可拘也乃允其通商之請然以為不稟命于中朝于理不順于心不安故雖允日人之在其境內開設碼頭停泊輪船販運貨物而高之君臣于通商事宜是猶無所把握也近來則日事經營大有振興之氣象即如派撥文武員弁學習機器製造一事可以知其意向矣蓋高人所心畏者日本通商之意或有狡詐耳在日本現與立約之後以貿易為正務微特中國聞其言即泰西各國亦知其議日本即列于四洲盟會之班即不得不守公法即使狡焉思啟亦無從發端而構難以其迫于公議也然在高人則殊有腹食不盡之概此可自喻而無以告人者也何也通商既久國俗必漸繁華豈地瘠民貧者所能勝任日人之來本有歆羨之心則必工于計算假使內無致富之道外無致強之策而任人剝削不已數十年之後疲敝尚可問乎此高人所憂也今有人元氣虛乏不事培植風寒暑熱日侵而月襲久之必致大病其理然也高人至今猶有與朝廷異議謂通商必不可行者亦確有見地耳然而今日不能拘此說矣曩年有高之大臣申文于李相論及與日本立約之事繼而又遣員至津謁見面稟一切但傳聞李相亦勸其通商此中秘密之言大抵高員備述地瘠民貧之概而李相告以振興之道以故高麗近日舉動殊有蒸蒸日上之觀也雖然派員學習僅振興之發端耳學習不難而廣置機器之難置機器已難而有機器而自製造之尤難即此一端可見高麗國用之不充裕舉動而無力也然使所派文武等員果能留心觀玩極意摹仿雖未能遽成其器而固已盡得其法將來徐籌款項購辦各式以為樁榘而國中或自有銅鐵煤斤之利就近開採以資其用但能精益求精則所費不多而製造遠出諸國之上可也顧吾謂此事猶賴中國之助其成耳夫高麗自分貧弱苟終於無力振作久不過為日本所侮如琉球之夷為縣也中國無如何也特高非琉球之比助琉于我無益不助高與我有損目下吉林黑龍江大事整頓俄之是脩亦不惟俄之是脩而高是介乎其南捍蔽之勢天造地設能不留意也耶高而有財其自為也即為我也高而無財我之為高也適自為也竊謂其來學習之員弁在津固且善視之即置之吉林寬甸等處亦當優待之奉吉兩省近由天津分設機局正在日起有有功而又陸路可達或使就近學習未始非計中國籌辦製造等事款尚裕即如借洋債亦較易于他國泰西國俗有借他國債者即有轉借其與國者倘高人果有年力富強稟聰敏可望振興則由中國貸銀俾其購造待商務興旺物

產充盈國用有餘何憂不繼此固東軸者所當斟酌行之者也抑又有最高者高之君臣現在立憲已定而梗議于朝野者尚不乏人吾意此當由高廷剴切曉示務使君民上下道合志同然後出其一國之財力以共濟天大事吾知二千里之幅員原非偏小私之則勢分而貧公之則力聚而富雖起大事動大眾何難焉然則中國為之助高麗亦宜自為計也

重派出洋學生議

從來學于王者必有師承而後能升堂入室以漸臻高明之域中國而欲仿行西學自不得不以西人導其先路然導也者導其始也推而廣之神而明之豈能存在在仰資于西人也哉況中國不欲興西學則已苟欲興西學必將州黨鄉閭遍處設立學堂而後可則所以先知覺後知先覺覺後覺者非華人自相授受無以為功故中國今日欲振興西學尤非多派出洋學生不可蓋今日所派出洋學生異日養成回華之後即可為西學中先知先覺之人而出其所學以傳布于中國者也惟曩時奏派出洋學生因事中止深為可惜論者或謂年歲過穉血氣未定故志趣易移未嘗不深中弊病然因是而出洋學生遽行停止是又因噎廢食之見考日本大書院之設不過十餘年而所造就之人才由學塾而升入學院者已形濟濟工藝學堂之設亦不過二十餘年而日本于工藝之事無不造其精微凡此二端皆在日本王公大臣出洋游歷與出洋學生養成回日之後近聞其國能營官輪船機器武備各員者每業約有數千人通化學礮學製造者每業亦有十餘人此皆日本歷派出洋學生之明效大驗也今中國欲懲前車之覆輒收後來之利益遽派學生出洋肄業其要約有數端一年歲須在十六以外二十以內前時所派出洋學生年歲太幼習俗移人賢者且猶不免妄能責之童蒙其不免沾染外洋習氣固無足怪然過長亦屬不宜今宜以十六至二十為度庶知識稍定可以畧有把握一中西文理均須明曉曩時所派出洋學生其病在于不曉華文固矣然于西文茫無所知則出洋之後一切西學皆須從淺近入手殊為費力是故明于華文則異日回華之後于華文不至一無所知且聖經賢傳先入為主出洋之後于洋教亦不至沉溺不返華文之不可不明者此也明于西文則于西學已有所憑藉出洋之後即可層累而上入門較易西文之不可不明者此也一須有室家親族聞曩時所派出洋學生其中或有貧苦無聊不得已而出洋者彼其子故國山河初無所戀故一經出洋溫飽無求遂宴然有此間樂不思蜀之意今所遣若有親族有家室使和子身為萬里之行原為異日顯親揚名之舉人孰不深望構之思為室家之好安肯長居異域而不復我邦族乎則一轉移間而前弊盡除矣一質地須取聰明才質各有所限無所勉強司年歲合格而資秉或有不逮則出洋之後人一已百人十已千未免遞鈍堪虞宜

擇穎悟者而進之庶幾成材較速一重體宜取強壯乘長風破巨浪作海外之行遠適異國水土之異宜飲食之殊尚其在未經習慣者皆在所宜慮而惟秉體強壯之人則無所畏故與其出洋之後或有不慣而仍回中國不若於出洋之初鄭重其選之為愈也一須多派親王世子以及世家子弟出洋以為民望外洋各國雖在親王世子無不與凡民一律入學如在武備學堂亦與齊民同其操作不以位高而自大也更有學業已成再至他國肄業者務欲畧念忘尊以冀進而益上中國誠能破除成見王公大臣皆能折節學問不以遠出為苦不以往學為恥則好學之風自上而下所謂因雲灑潤分澤易流乘高敷響當咸自遠觀感興起必易為力一宜重加錄用以示鼓勵從來國家所以鼓舞人才者爵賞而已矣人未有不賞而勸者亦未有賞之而不勸者竊觀中國於一二留心西學之士往往漠置置之即如兵輪之中其有曾經出洋諸習駕敗者反沈淪下位而實緣之徒反得居管駕之職諸如此類不勝枚舉故雖有俊傑之人不肯樂為盡力此由在上者無以振作之故也此後出洋學生載成回華之後必須優加錄用則人之奮勉而願自效者多矣凡此數端皆為重派出洋學生所不可少者方今通商口岸尚未建設西學書院即宜在通商口岸招集紳富子弟年歲合格中西文理均已明曉者寬遺出洋限以歲期優以俸稍使之分別學習藝成回華即可任以師道之尊出其所得轉相授受上有好者下必有甚不出十年中國西學人才何患不蒸蒸日上哉

論子弟出洋肄業事

今攷天下之大勢趨重于歐洲天下之大局亦扼要于歐洲其結納中外之盟而聯絡海國之交者在中土固已籌之爛熟矣故京師總理衙門則設同文館天津上海各海口則設廣方言館蓋所以通其繙譯習其技藝而盡西人之能事者也然猶慮其習之弗專也于是選中華幼童出洋肄業積十五年之功然後歸國試以成效此即子子置之莊獄之間數年之意也茲查此次出洋各童類皆單產居多而江南絕少是豈有疑于歸期之太遠耶豈有疑于水土之不宜耶學之成否未可料耶子之年命未可必耶如慮歸期之太遠則父母年老及隻身無兄弟者固不可往矣其有父母尚壯而棣萼聯輝者何不可往之有如慮水土不宜耶則幼童血氣未定隨其所至性情可以轉移飲食無難隨俗即秉氣亦因地土以相遷決不至有動生疾病之慮也如慮學之成否未可料則出洋之童必經選選非資質穎悟者必不入選以聽後也子俾之童而習之至十五年之久有不能嫺熟西文者乎如應子之年命未可必則修短有數若理宜天折者雖在家亦難保其多壽也且以他年富貴之貴榮華之本豈不可姑作舍去一子之想以博取顯親揚名之美乎除此四疑而

又有三益外洋風物清嘉房宇精潔從無吐微穢濁之觸致生疵癘怡神養性莫此為宜臨水登山其樂無異一也外洋書院功課雖曰嚴密游息時有餘閒習業之外輒可搗挈朋儕東西眺望夜間篝火閒談不勞苦誦較之中華書館朝夕不輟禮文約束有禁禁損殊二也數年之後出洋漸多鄉音入耳喜叙情親家書平安頃加餐飯至其飲食物品物更屬精妙肥美大可適口至其助脆骨者一至彼處脾胃必壯精神更爽矣三也既無四疑又有三益為父母子而有數子在侍者亦可以知所法計矣至于歸來之後則通商衙門當差獎叙得官最榮無比豈不美哉況又熟習洋務深知底蘊并于技藝器具之間無不知其所以然而有以制之則其將來誠有不可限量者何尚限于中外之域而存畏縮之見乎蓋此舉非但有利于國亦且有益于家可不留意哉

中國續招攷選西學肄業生章程隨時變通論

國家求治之道首重得人儲才待用非法不立而法又未可拘也故有百世不變之道無百年不變之法夫天時有寒暑人則應之以裘葛人事有今昔時殊勢異法亦因之為變通今昔猶寒暑法則裘葛也蓋中國自海禁大開萬國通市交涉之務日繁又生往還以譯事動象查猶其末也可非深悉底蘊臨事可否何能動念機宜于是京師有同文館之設而福州之西學館上海之廣方言館亦延中西教習召遠近生徒兼營并務就其造詣之淺深日以教之仿升齋積分法驗其多寡之數列班為三月以課之優者給獎以勵其餘咸以甄別之綜數名是察其所學以為去取在館肄業者計其年限或二或五拔尤以貢京師就試同文館互譯中西文字考取之監生附生授以國子監學正內閣中書職銜留館學習洊擢副助教以備行人之選按以西學取士為成法所無而因時制宜上以此求下以此應其為國求才之意則一也當攷選之初所錄皆成材試以八股文一篇六韻詩一首是以應試者非貢監即生童謂其熟數已開易于啟發事半功倍得兼取長者有成效卓卓可觀者固不乏人而胸有成見牢不可破少成右性入主出奴而西學其名中學其是聊資膏火咕嚕是動問其人則西學之肄業者生也叩其所學者也之乎固所素習愛至西低非所敢知也且每日西國教習舉凡坐擁旁諸生升堂講書目已初迄于午正不過時許退處齋室仍以經史自娛一卷斯撲林末諸高閣幾欲與之誓曰不升講堂無相見也月課詩文本館官師兩卷而外兼試欲業書院暨慈珠書院道課往馬廳課往馬縣課亦往馬拔列前茅固覺餘勇可賣倘名次稍後謂為西學所提益深恐而痛絕之且有藉以鳴高一倡百和以為出淤泥而不染是錢中之鏐錢者嗚呼所學非所用是事求是之謂何論者謂金雞納精已鑄而範之玉雖美已剖而攻之器已成矣再事改作兩無

所居于是變通前議選取幼童年十歲以上十三四歲以下四十畫畫龍上口者謂其心地空明中無所有若淡水之未受味明鏡之無留影以為金則未之鎔也何有于范以為玉則未之剖也何有于攻鑿鑿在手切磋從心造就有方因材而教樸樸者我得其報其在斯乎其在斯乎然而正未可必也求金于穴難必其為金也何有于精求玉于璞難必其為玉也何有于美必也金已出于穴乎玉已見于璞乎知其為金而後鎔之知其為玉而後剖之精而後鎔美而後攻則匠氏之勞為不虛矣近歲中外通商日久漸派彼此之嫌風氣亦因之漸變在昔以西學為恥雖設學以招之厚祿榮名以勸之而就之者罕鮮今則縉紳子弟乃心西學概不乏人有延西師于家者有自就私塾義塾者今昔時勢大相懸殊而延攬人才之法亦應酌為變通學仿中學掄才之典由塾生而游于庠由庠而舉于鄉以官學比于庠試以同文館比於鄉試凡私塾義塾之西學生得比於家塾戶誦之徒是皆金出於穴玉見於璞者其質之可造與否可一望而知也善乎不貳過齋主人之言曰已經通曉西文之學生其始基已固而可省歲時其便一因勢利導而小學之工夫皆其自有不必要動支膏火其便二人情始勤終怠或則先畏難而後率其常此則先難而不畏能動而有終則是自知向上日進有功其便三況海上學塾日盛不可枚舉如中西書院約翰書院英華書館皆其尤者者固不乏精金美玉材也鎔而范之剖而攻之留心人材者其有意乎

論西人七日各人休息事

人生斯世忽忽如過隙之駒茫茫如喪家之狗富貴利達必百計以營謀貧賤苦寒每多方以幸免究之百年易過何須勞碌以終身萬事難成豈可忘求而快意與其終年辛苦費盡機械而空忙何如一日蕭閒畧任心身而少逸所以一心安泰方能行樂以及時百體暢舒何必自苦乃爾也乎此西洋諸國禮拜休息之日亦人生之不可少而世事之所宜行者也吾見夫西人之為工及行商於中國者每屆七日則為禮拜休息之期一月則四行之是日也工停藝事商不貿易或攜眷屬以出游或聚親朋以尋樂或駕輕車以衝笑或騎駿馬以馳驅或集筵場以博輸贏或赴戲場以廣聞見或從田獵以逐取鳥獸為能或設酒筵以聚會賓客為事六日中之勞苦辛勤而此日則百般以遣興六日中之牢騷抑鬱而此日惟一切以消愁游目騁懷神怡心曠閒莫聞於此日逸莫過於此日樂莫樂於此日矣此法之行亦正與中國休沐之期相等特中國休沐之期惟京朝官之侍從內廷者方有此例其他則無是事至於士農工商更不必言夫古今之事雖有不同而究無不同予貢觀瞻變遷從游曾習之浴風詠歸故雖聖賢亦有游觀之候即有休息之時古之為君者

朝以聽政晝以訪問夕以修令夜以安身此言君亦有休息之時古之為士者藏焉修焉息焉游焉此言士亦有休息之時古之為農者日出而作日入而息一日之休息也曰為改歲入此室處一歲之休息也此言農亦有休息之時古之為工者霜始降則百工休此言工亦有休息之時古之為商賈者市罷而歸倦游而返此言商賈亦有休息之時蓋古人休息之時或以日計或以月計或以時計或以歲計雖有一定之法然無一定之期如西人之以七日為定者也至漢以後上至宰相下及百官與夫太學諸生各官諸吏均有休沐之期至於農工商賈則各從其便而無定期矣然人之身心必欲終年勤動不使心有少暇身有少閒束縛馳驅於名利之場不將志力絀乎西人禮拜休息之法以七日而一息殆亦取天地七日來復之意耶然禮拜休息之期雖不習其日日所習之業而有志者或反博覽諸書以匡救其不逮旁求群策以增益其不能而玩日愒時者仍然無幾是西人雖七日一息而所息者仍不拋荒有用之日時中國日日不息而不息者不過行為無功之舉動卒之心勞日拙身勞日疲萬事蹉跎一生廢棄可不惜哉何若振作精神日進無疆亦放西人七日之期而少息其餘日月願奮勉以圖功無使日日不禮拜休息反同日日皆禮拜休息悠悠忽忽一事無成以了結此生也可

推廣游歷章程議

中國向無所謂兵輪也自道咸後各口通商海防緊要於是乎兵輪以創船政以興近歲又設海軍衙門南北洋水師兩支屹立凡外洋之鐵甲水雷魚雷蚊子諸船無一不仿購無一不仿造中國遂多兵輪矣向亦無所謂游歷也自光緒十三年 朝議遣派出洋游歷人員經總理衙門考取部屬傅雲龍繆祐孫顧厚焄李東瑞劉啟彤程紹祖等分赴東西洋各國近者年餘遠者二三年游歷既遍回華鎮差並於每年冬季北洋封河之際特令水師提督率帶兵輪遵海而南徧巡山東江浙閩粵各洋面達至新加坡小呂宋等埠而止如今屆已經丁禹廷軍門統領定遠致遠經遠來遠鎮遠靖遠等六兵輪由津至滬銜尾出洋一則以暫避水凍一則以保護華商而游歷即寓於其中矣論者謂中國如欲講求游歷莫如推廣此法乘各兵輪操演之暇派令遠涉重洋挨班替換其船不必拘定北洋也南洋亦可派其時不必拘定冬季也四時皆可派不觀各國乎具於我中國通商口岸靡不派有兵輪常川駐泊此來彼去絡繹不絕名為保護商旅而實已細測我中國之水道熟悉我中國之程途詳察我中國之人情博訪我中國之風俗所以我中國一舉一動西人鮮不知周知甚至有我中國之人猶未知而西人先已知之者大半皆得游歷之益我中國既仿其法即不容不推廣者此也

鯢生竊以為游歷之法除不拘船不拘時外更宜增不拘人一條何哉凡事不經親習則不能知其底蘊而有所貪而習之與有所慕而習之其間浮切又自有別泰西各國富有屈萬乘之尊志諸貳之責不憚風濤不避艱險不嫌水手之賤不羞工匠之卑任擇一途以從事於游歷者彼果何所貪而為此耶不過曰心慕之而已惟其心慕是以情專淺而語言深而文字一經親習無所不諳亦有文人淑媛志在四方自備舟車之費雖糜百千萬金而弗惜者此固風氣使然不由強效不知人不從事於游歷則已苟從事於游歷則非仿此法不可中國素講威儀極崇體統斷不能以堂堂卿相輕易出行然而達矢桑弧古者男子生即以遠到期之今天下疆域之大芸生之眾豈無一二奇士如明季江陰之徐宏祖國初崑山之顧炎武者或欲遊而無導或願遊而無資空抱乘風破浪之心望洋興歎見在國家既置有各兵輪按期

巡閱誠能破除成格變通章程養成北洋提督南洋統領令于每次出洋時訪求有志遠遊之士擇其文理通順世故練習而又體質強壯年在四十以前者每船各帶一二人隨同來往其游覽途中所作之筆記彙呈提督統領擇其有裨時務者轉送總理衙門以備採用其人但供飲食不支薪水倘果能講求經濟英特殊策亦可保舉一二入藉資獎勵不願得保舉者聽夫不支薪水則于正款無所費許其酌保一二入則遠近者勤至于不願得保舉而惟以得與游覽為樂此其入方是有所慕而習之非有所貪而習之較諸尋常游歷人員不誠有浮切之殊耶且游歷之事宜久不宜暫彼西人之來華者無一不寬以歲月或五年或十年或二三十年通其語言識其文字優游漫漬與土人氣投意合耦居無猜然後能灼知其水道程途人情風俗數諸筆記一無所說若欲尅期以畢乃事僅挾咫聞尺見聊以塞責固已疏矣然中國出洋游歷各員早經次第回華所呈劄記及繙譯編撰諸冊間亦見實于總署王大臣得邀留心蒐輯堅忍耐勞與乎採訪精詳有裨時務之賢然識者或謂其抄襲陳言勸說滿紙輾轉傳譯不無差謬此無他限期過促而又雜以名利之心所謂有所貪而習之非有所慕而習之故也然則游歷一法可不亟議變通哉

論游歷之益

是非之心人皆有之夫似是而真是似非而真非者易辨也天下之大事機之幻有似是而實非者焉有似非而實是者焉此非有真識者不易辨也夫人之識見自非上聖孰不由讀書閱歷而來讀書可以增識見人皆知之庸何贅焉閱歷則隨時隨事不以地限不以質固一家之中有閱歷焉一國之中有閱歷焉地球之中亦有閱歷焉閱歷深則識見高而是非易辨若者為有益若者為有損若者當為若者當止立身之道在此處世之道亦莫不在此然則閱歷亦學問之一

也泰西風俗皆重游歷自國君至於士人莫不游歷各國所以西人通達者多迂拘者少然游歷雖為吾人所不可少之事苟使不學無術之徒遊遍地球於各國之政教風俗亦絕不知其若者為善若者為惡也木偶人焉已耳故必使學業已成之士游歷各國然後知所區別知所因革且漸知變通而仿效今中國之士固可諉於無游歷之例也然即使國家懸布專條派令各處士子游歷他國收效之難當不讓挾山超海也何者中國之士少壯者為科名帖括所牽縛及中年之後家累漸多閉門自顧且猶不暇安復有游歷之歲焉哉是故為今日振興人才計莫急於重幼學

論西人之機智

歐洲各國莫不以富強相尚其講求商務亦各精益求精其造船製器也務必勝人不甘落後甲國製一新器乙國即製一破其新器之器丙國更製一破其破新器之器處心積慮未始不欲爭人土地奪人財產也不過甲可以勝乙遂有丙更可以勝乙者出丙之後更有若丁若戊若己者又出於是甲及乙及丙又不敢逞其志肆其威矣人第知泰西各國於近數十年之各不相戰實則並非不戰特不以兵卒戰而以士夫戰不以軍火戰而以工藝戰不以力氣戰而以機智戰耳第不戰之戰雖不傷天地之和而不犯造物之忌然而機智愈巧心思愈毒積數百年數千萬人之心力吾知數十年後必有奇器勝於槍砲萬萬者吾更知數十年後必有精於格致者出奇法以破各種毒器者西報已載有西人某能用電光於數里之外燒毀敵艦而敵人不覺者蓋天地循環人縱取明烏能敵天也耶果有此時中國乃可以勃然興甦然動矣

西人動作必圖大利益論

甚矣吾中國之人何其絕少智慧見其小不見其大圖其近不圖其遠也西人偶有動作往往籌其大局圖在此而利在彼者不啻倍蓰此中國人之着着落後而弱不能振之由也即就顯著者論之如鐵路火船礦務等舉西人所圖利益原不在鐵路火船礦務之股份人也是在取其鐵路火船之載運便礦務之出產宏而暢行其國之貿易耳若國家開辦鐵路火船礦務止期為股份人得利抑何所見之小且近豈足以為國致富強哉所深期者是必裕萬億之農商工匠等享其轉運之捷貿易之靈搬載之多一得貨利農便可購買土田上合宜之物商便可轉販贏餘之貨工匠便可增益需用之物料輾轉取盈為不淺也若云既行鐵路大船則貧民之脚力減興礦務則國家之帑項窮吾以為是不當惜而轉當幸者也此有所損則彼多所益天下事大抵然也况有鐵路火船運載而脚費愈多興礦務帑項大而主產更益耶縱合